

n u t a a r s i a s s a t

Nuna Tamakkerlugu Ilitsersuisarfik Juuni 2020

NUTAARSIASSAT

SAQQUMMIUSSAQ TULLEQ





IMARISAI

JUUNI 2020

- 04 NTI Pingaernerit
 - 06 Corona aqutissiuussinermut ilinniartitaanermullu qanoq sunniuteqarsimava
 - 07 Ilitersuisarfipu aaqqisuussaanera
 - 08 eVejledning
 - 09 Aaqquisuussinerit suliasallu pingaarutillit allat
 - 11 Aqutissiuussinermut inerisaanermullu immikkoortortamiit nutaarsiassat
 - 13 Ilinniartunik siunnersuisfarfik
 - 14 Immikkut oqaaseqaat Anja Strunz
- 
- 



ASASARA ATUARTOQ



Ukioq manna aaqqissuussatta annersaat, Vejlederkonference 2020, TAAMAATIINNARPOQ. Ataani annerusumik paasisaqarit.

Neriuppunga amerlanersassi coronap kingorna nunatta ammarneqarnerani ulluinnaat atoqqi-
lereersimassagisi. Coronavirusip ajornartorsiortitsinera pissutaalluni eqqumiitsumik inu-
uneqarpugut. Nunallu ilaani sumiikkaluaraanniluunniit corona ulluinarnut sunni-
uteqarsimavoq. Ilitsersuisarfimmut tamanna aaqqissuusinerit tamangajammik taamaatin-
neqarnerannik kinguartinneqarnerannilluunniit kinguneqarpoq.

Angalaqqusaanngineq pissutaalluni pikkorissaanerit ilinniartitaanerillu, ilinniartitsisunut
ilinniartunullu angallannerusussaangaluat aamma eqqorneqarput. Corona pissutaalluni pik-
korissaasoqarsinnaasimanngilaq allanilluunniit angalanertalinnik aaqqisuusisoqarsinnaasi-
manani.

Coronaqarpat coronaqanngippalluunniit NTI suliniutinik pissanganartunik arlalinnik- ilaat
tusareersimassagunakkassinnik aallartitaqarpoq.

Nutaarsiassiisummi matumani suliniutit killiffiat Ilitsersuisarfiullu aaqqisuussaanera pillugit
paasissutisseerusuppunga. Tamatuma saniatigut ukiup sinnerani Ilitsersuisarfimmi aaqqisu-
ussinerit qanoq iliuuseqarfiginissaannut paasititserusullunga.



Ilitsersuisarfimmi suliassat aallareriikkat arlallit sulilu aallartinneqanngitsut, aqqutissiuussinermi iliuusissatut siunniussaajumaartussamut atassuteqarput. Iliuusissatut siunniussaq ilinniartitaanermi iliuussissatut siunniussamut attuummassuteqartussaassammat maanna allanneqarsinnaanngikkallarpoq. Kalaallini ilinniartuni ilinniartitaanerni qaffasissutsini tamani pingaarutillit, ilimanarluinnarpoq tasaanissaa inuuneq naallugu ilinniarneq aqqutissiuussinermillu erseqqissaaneq. Aqqutissiuunneqarnissamut neqeroorutip meeqqat atuarfianni klassini minnerniit ilinniartitaanermilu aqqisuussaaneq tamakkerlugu- minnerunngitsumillu suliffeqalereernermi ataqatigiissaagaanissaa Ilitsersuisarfimmit kissaataavoq. Aqqutissiuunneqarnissamut neqeroorummi immikkoortut arlaliupput suussusersisassat sukatigassallu. Iliuusissatut siunniussamik tamatuminnga suliaqarnermi ilinniartitaanerit qaffasissusaat kiisalu Ilinniartitaanermut Suliffeqarnermullu Naalakkersuisoqarfik tamatumalu ataani Majorissat akimorlugit suleqatigiinneq apeqqutaalluinnarpoq. Ataqatigiinneq qulakkeerniarlugu aqqutissiuussineq pillugu nutaamik nalunaarusiorneq aallartinneqarpoq.

Aaqqisuisutut attavissaq

Nuna Tamakkerlugu Ilitsersuisarfimmit saqqummersitaq

Aaqqisuisutut akisussaasoq: Christine Tønnesen, chto@aqut.gl

Layout: Kristian Aagaard, kraa@aqut.gl

Nuna Tamakkerlugu Ilitsersuisarfik

Imaneq 24A, 1. og 2. sal

3900 Nuuk

Emaili: nti@aqut.gl

Oqarasuaat: 345850

aqut.gl

CORONA PILLUGU

Ilinniartut inuusuttut inersimasullu amerlasuut kinguartitsinermik eqqugaapput. Ilinniartitaanerup ingerlaarnissaanik qulakkeerinissaq Naalakkersuisoqarfimmi suliat kingulliit amerlasuut ilagaat. Ilinniakkaminnik aallartitsereersut qanoq ilillutik ingerlaqqissappat aamma/imal. qanoq ilillutik ilinniarnerninnik naamassinnissappat qanorlu ilillutik angalassappat aamma / imal. angerlassappat. Unammilligassat aaqqiivigisassat nalinginnaasut amerlapput.

Ilinniartitaanermut Naalakkersuisoqarfik qarasaasiakkut misilitsissinnaanermut soraarummeersinnaanermullu periarfissiisumik nalunaarusiorpoq. Nalunaarut uani pissarsiassaavoq:

<http://inatsisit.gl/lov?rid={1265D45F-09F9-4234-9CFC-1DDC80E17298}>

Apeqqutit tamarmik nalunaarummut nutaamut tunngasut Ilinniartitaanermut Naalakkersuisoqarfimmut saaffiginnissutigeqquneqarput.





ILITSEARSUIARFIUP AAQQISUUSSAANERA

Immikkoortortap qaammatini arlalinni atuutereernerani aqutsisumik sulianik qaffasissutsip tullianut ingerlatitseqiisussamik amigaateqarneranut atatillugu, Aqqutissiuussinermut Inerisaanermullu Immikkoortortami aqutsisutut atorfik nutaaq inuttassarsiuullugu Ilitsersuisarfik allagarsiivoq. Uangalu iliuusissatut siunniussanik ukkasseqqilernissaq pisariaqartissimavara. Immikkoortortamilu nutaamik nammineq atasinnaanissamut tunngavissittussamik pilersitsineq pissanganarsimavoq.

Pilutak Samuelsen attaveqarfippassuaqartoq meeqqallu atuarfiannut tunngatillugu anner-tuumik ilisimasaqartoq maajip ulluisa aallaqqaataanni 2020 atorfinitsipparput. Meeqqat atu-arfianniit ingerlariaqqiffissanut ataqatigiisumik aqqutissiuussisinnaanissaq Ilitsersuisarfim-mit anguniagaavoq. Meeqqallu atuarfianni aqutissiuussineq ukiuni tulliuttuni marlunni pingaarnertut ukkanneqassammat piginnaanilimmik atorfinitsinissaq toqqarparput.



EVEJLEDNING



Ammasarfiit

Ataa-eis.:	10:00-16:00 & 19:00-21:00
Tallimangorneq:	10:00-16:00
Arfiningorneq:	10:00-13:00
Sapaat / nallut:	Matoqqassaaq

Marsip aallaqqaataata kingorna ullukkuinnaq ammasarnissaa tassalu unnukkut sapaatillu akunnerisa naaneranni eVejledning atorlugu aqutissiuussisoqarsinnaajunnaarnissaa Iltersuisarfiup toqqarpaa. Tamanna marsip aallaqqaataata kingorna saaffiginnittut ikileriarujussuarneranik ulluinnarnilu nal. quliniit sisamanut ammasarnissaata naammaneranik naliliinitsinnut patsisaavoq. Tamanna maannamuugallartoq naapertuuppoq.

Pisariaqartitsineq annertusissagaluarpasit unnukkut sapaatillu akunnerisa naanerini ammateqqilersinnaavarput. Aqutissiuunneqarnissamik pisariaqartitsisut tamaasa, najukkami aqutissiuussinermut tapertatut eVejledningimut attaveqaqqullugit kaammattorusuppagut.

AAQQISUUSSNERIT

- suliassallu pingaarutillit allat

Aqutissiuussisut ataatsimeersuarnerat 2020

Aqutissiuussisut ukiumoortumik ataatsimeersuarnissaannik septembarimi 2020-imi pisussatut naatsorsuussamik aaqqisuussineq Ilitsersuisarfimmit aallartilluareersimagaluarpoq. Maanna pissutsit tunngavigalugit aqutissiuussisunik ataatsimeersuartitsinissaq aarle-rinalaarmat annertuumillu aningaasartuutaasarmat, aqutissiuussisut ataatsimeersuarnis-saannik taamaatitsinissaq, tamatumunngalu taarsiullugu najukkani attaveqarfigisanik ata-atimeeqateqarnissaq Ilitsersuisarfimmit toqqarneqarpoq. Attaveqatigiit ataatsimiinnis-saannik aaqqisuussinissaq pissanganartunillu naapertuuttunillu oqaluuserisas-sanngortitsinissaq qilanaaraarput.

Ilinniartitaaneq pillugu paasissutissiiniarluni angalaneq

2020-imi ilinniartitaaneq pillugu paasissutissiiniarluni angala-nissaq Ilitsersuisarfimmit attatiinnarneqarpoq. Qaqortumiit Ilulissanut, sap. ak. 43-imiit 45-imut ingerlanneqassaaq. Aaqqisuussisut peqataasussallu allat, kikkut sumullu nalu-naarsimanerat takusinnaaniassammassuk, ataatsimoorluni peqataanissamut nalunaarsinnaanermut piareersarnek aallar-tippoq.

Illoqarfiit	Ulluut
Qaqortoq	20.-21. oktobari
Nuuk	23.-27. oktobari
Sisimiut	29.-30. oktobari
Aasiaat	2.-3. novembari
Ilulissat	5. novembari





Aqutissiuussisutut tunngaviusumik ilinniartitaaneq

Ilitsersuisarfik 20-init sinneqartunik 2019/2020-imi tunngaviusumik ilinniartitaasunik aqutissiuussisoqarpoq, 2020-imilu naammassinissaannik qulakkeerinnissaq Ilitsersuisarfimiit suliniutaavoq. Ilinniarnerup naammassinisaanut modul-i kingulleq allattariarsukkamik suliassartalik soraarummeernissarlu amigaatigaat. Ilinniartitsisut Danmarkimiimmata modul-ip kingulliup HHE-mi qarasaasiaq atorlugu piviusuusaartitsinertut ingerlanneqarnissaa, ulluni makkunani aqqisuunniarneqarpoq.

2020/2021-imi aqutissiuussisutut tunngaviusumik ilinniartitaaneq pilersaarutit naapertorlugit aggustip naanerani aallartittussaagalarpoq, coronali pissutaalluni kinguartittariaqarsimavoq. Modul-ip siulliup novembarimi ingerlanneqarsinnaanissaa naatsorsuutigaarput. Tamannali coronap qanoq ingerlanissaa apeqqutaalluni allanngorsinnaavoq.

COVID-19-ip aqutissiuussinermut ilinniartitaanermullu sunniutai

Ilinniartitaanermut Naalakkersuisoqarfik aqutsisut coronap nappaalassutaanerata nalaani qanoq iliornissaat pillugu paasissutissarpassuarnik nassiussuivoq. Isummerfigisassat annertusimaqaat, isumaga_ naapertorlugu Naalakkersuisoqarfiup tamanna naammassilluarpaa. Massakkorpiaq efterskolimi ilinniartut atuarfimminnut uteralerput taamaammallu saaffiginnitorpassuaqarpoq.

Ilitsersuisarfimmit aqutissiuussisunut tarnikkut ajornartorsiutinut ilinniakkallu allamik taarserusussinnaanisaanut saaffiginnissutinut tunngatillugu apersuilluni misissuisitsipallattoqarpoq. Aqutissiuussisunut coronartoqarnera pillugu tarnikkut unammilligassanut tunngatillugu saaffiginnissutit amerlanngillat, tamatumalu paasinera qujanaqaaq. Danmarkimi ilinniarnissap nunatsinnut nuunneqarsinnaanera ilinniartunit saaffiginnissutaarpiarsimanngilaq.

Soorunalumi kikkut tamarmik unammilligassaminnik paasisaqarsimassasut akissutissarsisimassasullu neriutigaarput. Taamaassanngippat saaffiginnissutit eqqortumik akisinnaajumallugit aqutsisorsi, aqutissiuusseqatissi imal. Ilitsersuisarfimmi attaveqarfissi attavigisinnaavarssi.

AQQUTISSIUUSSINERMUT INERISAANERMULLU IMMİK- KOORTORTAMIIT NUTAARSIASSAT

Aqutissiuussinermut Inerisaanermullu Immikkoortorta 2020-mi marsip aallaqqaata missaani pilersinneqarpoq maannalu siunnersortinik pingasunik immikkoortortamilu aqutsisumik sulisoqarluni.

Immikkoortup ingerlaneranut sulineranullu toqqamavigisaq, ilinniartitaaneq inuussutissanullu siunnersuisarneq pillugit inatsimmik 2013-meersumik tunngaveqarpoq. Naatsumik oqaatigalugu nunatsinni aqutissiuussinermik ataqatigiissaarinissaq inerisaanissarlum immikkoortortami suliaasaapput.

Januaarimiilli nalunaarusiassa suliarineqalerpoq. Suliaq taanna ataatsimoorluni suliniutaasoq, siunnersortit tamakkerlutik, tarnip pissusaanik immikkut ilisimasallit Ilinniartunik Siunnersuisarfimmeersut suleqatigalugit, 2020-imi naammassiniarsarineqarpoq. Suliaassa annertuvoq, suleqatigiissitanik innersuussiviusartunik suleqateqarluta, pi-umasagaatit assigiinngitsorpasut aqutissiuussinerup silarsuaaniittut ataatsimoortinnissaat isumagisassaraarput. Inuit suleqatigiissitani innersuussiviusartuni akuusut qutsavissaqarfigeqaagut. Nalunaarut Aqutissiuussinermut Inerisaanermullu Immikkoortortamit ”aqutissiuussisunut nalunaarummik” taaguuserneqarpoq.





Coronap ajornartorsiortitsinera atuartunut ilinniartunullu qanoq sunniuteqarpa? Hvordan har corona-krisen påvirket de skole- og uddannelsessøgende?

Aqqutissiuussinermut Inerisaanermullu Immikkoortortaq allanittaaq- ilaatigut eVejledningimik 2020-imi februaarip ulluisa aallaqqataanni aallartittumik ilaartumik suliaasaqarpoq. Marsip aallaqaataata tungaanut saaffiginnittorpassuaqarpoq. Coronap nalaani eVejledningimut saaffiginnittut ikileriapiloorput. Ilaatigut tamanna pissutigalugu ilinniartut eVejledningip suliaatuunneranik eqqaasinniarlugit Facebook-kikkut paasititsiniaaneq annikitsoq aallartippaput. Suliaasaq alla tassaavoq aqqutissiuussisutut tunngaviusumik ilinniartitaaneq, allatulli coronap angallannermik unititsineranit eqqugaasimasooq. Ilinniartitaaneq annikitsunik matuma allannerrata nalaani pilersarusiorneqalersunik nalimmassaavigalugu ingerlannialersaarparput. Kiisalu ilarpaalusi coronap ajornartorsiortitsinerata ilinniartunut qanoq sunniuteqarnera paasisaqarfiginiarlugu immersugassamik immersuinnikkut misissuisitsinermut aallartitatsinnut atatillugu attavigineqarsimassapput? Akissuterpassuarnik pisumik immikkut ittumik ilinniartunit aqqutissiuutsinniartuniillu atorpeqartunik naliliinitsinnut annertuumik iluaqutaasunik pissarsivugut. Qujanaq akissuteqarnissamut piffisamik atuisimanitssinnut.

Kiisalu marlussunnik tulliani nutaarsiassiigutta suuneri saqqummiutissallugit qilanaarisatsinnik suliniuteqarpugut.



ILINNIARTUNUT SIUNNERSUISOQARFIMMIIT

ALLATTOQ: [Maliina Lyberth](#)

EMAIL: maly@aqut.gl

BLOG: www.aqut.gl

Ilinniartunik Siunnersuisarfik pingaartumik Nuummiittoq, suliffeqarfittut allatuulli coronavirusip nappaalatitsineranit sunnerneqarpoq. Sullitatsinnik Nuummi tikilluta oqaloqatigiinnissamut qaaqqusisinnaajunnaarnitsinniit, oqaloqatigiinnerillu Skype-ikkut imal. oqarasuaatikkut ingerlattari-aqalerneranniit maanna qaammatip aappaata qeqqata missaa qaangiuppoq. Naapilluni oqaloqatigiinnissaq naatsorsuutigineqarsimammat taama aaqqiissuteqarneq sullitanut katsorsaasunullu pitsaanerpaa-junngilaq, illuatungeriinnilli paasilluarneqarsimalluni.

Covid-19 -imik Nuup eqqorneqanngitsiarnerani ilinniartunik Siunnersuisarfik, Iltersuisarfik peqatigalugu, Kangerlussuarmi ukiumoortumik ataatsimeeqatigiinnermi anguniagassatut siunniussat ataatsimoorussat - ilaatigut qitiusumik innersuussisarfiup oqallisiginissaannut periarfissiivoq. Ullumimiit siunissami Ilinniartunut Siunnersuisarfik ima paasillugu innersuussinerit tamarmik siornatigut innersuussinerit, illoqarfimmit qinuteqartup ilinniarfianiit immikkoortunut nassiunneqartarnerisuut pinnatik its@aqut.gl -imut nassiunneqartalernissaannik qitiusumiit innersuussisalissasoq oqallisaasut ilagaat. Ilinniartunik Siunnersuisarfimmi sulisut naapeqatigiissinnaanikkut misilittakkanik ilisimasanillu avitseqatigiissinnaaneq nuannaarutigisaqaat taamaammat tamatigut qilanaarineqartarpoq.

IMMIKKUT OQAASEQAAT

ALLATTOQ: Anja Strunz

EMAIL: anst@aqut.gl

BLOG: www.aqut.gl

Ilinniartunik siunnersuisarfik, Killiliisa- Naalakkersuisut kinguaassiutitigut atornerluinermut 2018 -miit 2022-imut iliuusissatut siunniussaannik suliniuteqartup suleqatigiissitani malinnaatitaani ar-laleriarluni peqataasarpog peqataajuarlunilu.

Ilinniartunik Siunnersuisarfimmi, ilinniartunik kinguaassiutitigut atornerlugaasimanerminnik kin-gunerlutitsisunik amerlasuunik naapitsisarpugut, tamannalu inuunerannut taamaalillunilu ilinnia-rsinnaanernnut annertuumik kingunerluutitaqarajuppoq.

Qujanartumilli taamaakkaluaq amerlasuut ilinniarnertik naammassisarpat. Meeqqanut inuusut-tunullu kinguaassiutitigut atornerluinernik pitsaaliuinerup aamma/imaluunniit siusissukkut akuli-unnerup, kinguaassiutitigut atornerlugaanermut aniguisimasut ilinniakkaminnik naammassinni-nissaasa oqinnerulersinneqarnissaa upperilluinnarparput. Taamaammat aamma killiliisarnissamut kinguaassiuutitigullu atornerluinermik pasitsaassaqarutta meeqqanik inuusuttunillu ikiuinissamut tamatta suleqatigiissinnaanissarput neriuutigaarput. Qanoq iliornissatta ilisimanissaa ajor-nakusoorsinnaagajuppoq. Najoqqutassiaq una atuaruminartuuvoq qanoq ililluta tamatta sunni-uteqarsinnaanerput pillugu paasissutissanik pitsaasunik imaqarluni. Ulluinnarni meeqqanik inu-usuttunillu isumagisaqartaruit sullitaqaruilluunniit, najoqqutassiap taassuma atuarnissaa sakkort-uumik innersuussutigaarput.

<https://naalakkersuisut.gl/~media/Nanoq/Files/Publications/Familie%20og%20Justits/GL/Killiliisa%20Arsrapport%202019%20KA%20web.pdf>